

Vuk'uzenzele



Produced by Government Communications (GCIS)

English/Setswana

| Motsheganong 2018 Kgatiso 2

Bridge brings relief for KZN learners



■ KZN MEC for Transport, Community Safety and Liaison Mxolisi Kaunda with local learners who now arrive on time for school.

GOVERNMENT is ensuring that children don't have to cross dangerous rivers to get to school.

Nomfundo Mcetywa

Facing crocodiles and possibly drowning while crossing UThukela Riv-

er to get to school is no longer a reality for learners in KwaDukuza and KwaMaphumulo. This after the KwaZulu-Natal Department of Transport built two bridges

which cross the UThukela River. The Nyakana UThukela River Bridge, which cost R89.5 million to build serves the Mankenganeni community which is locat-


ed on the northern side of the river. The bridge links the Umhlabeni and KwaDukuza local municipalities

● **Cont. page 2**



New App to bring faster service delivery

Page 4



Space weather service to benefit Africa

Page 9



ALSO AVAILABLE ON:



@VukuzenzeleNews

f Vuk'uzenzele

Websites: www.gcis.gov.za

www.vukuzenzele.gov.za

E-mail: vukuzenzele@gcis.gov.za

Tel: (+27) 12 473 0353

Free Copy

“Education is the most powerful weapon which you can use to change the world.”

Nelson Mandela



Aforika Borwa e na le maikarabelo a go tsenya bašwa sekolo

PUSO E diragatsa tshepiso ya yona ka go netefatsa gore e diragatsa thuto e e sa duelelweng go baithuti ba ba falotseng.

More Matshediso

Tona ya Lefapha la Thuto e Kgolwane le Katiso Naledi Pandor a re Aforika Borwa e na le bokgoni jwa go tlamela ka dibasari bana ba ba tswang mo malapeng a a humanegileng le ba ba tswang mo malapeng ao a iponelang letseno le le kwa tlase go bona thuto mo diyunibesiting le mo dikholejeng tsa Thuto le Katiso ya Tiro ya Matsogo le ya Setegeniki (TVET) ka 2018.

Tona Pandor o rile ke maikarabelo a naga go tshegetsa bahumanegile mmogo le malapa ao a leng mo tlalelong go gaisa.

O buile seno mo kopanong ya bobegakang mo a neng a rebo-la lenane la tsamaiso ya thuto e kgolwane e e sa duelelweng mo Aforika Borwa.

Tona Pandor o tsibositse se-

mmuso gore puso e beeditse madi a mangwe gape a le kana-ka R7.166 bilione go tlamela ka dibasari go bana ba ba tswang mo malapeng a a humanegileng le ba ba tswang mo malapeng ao a amogelang letseno le le kwa tlase go ya diyunibesiting le dikholejeng tsa TVET monongwaga.

Tona Pandor o tlhomamisitse gore go beetswe kwa thoko R4.581 bilione go isa sekolong baithuti ba ba falotseng go ya diyunibesiti mme R2.585 bilione e beetswe baithuti ba ba yang dikholejeng tsa TVET.

Ka ngwaga wa 2017 puso e begile gore thuto e kgolwane e tla nna mahala go baithuti ba ba dikobo dikhutshwane le ba ba tswang mo malapeng a a amogelang letseno le le kwa tlase ga R350 000 ka ngwaga.

Baithuti ba tla tshegediwa go tswa mo sekemeng se se atolosi-

tsweng sa dibasari, seo se tsenang mo legatong la sekema sa mo malobeng sa kadimo le bontlha bongwe jwa dibasari seo se neng se neelwa ke Sekema sa Bosetšhaba sa Thuso ya Ditšhelete tsa Thuto mo Baithuting (NSFAS).

“Motheo wa madi a a abelwang NSFAS go tshegetsa baithuti ba diyunibesiti le dikholeje tsa TVET ba ba humanegileng le bao ba tswang mo malapeng a a amogelang letseno le le kwa tlase a tla okediwa go tloga go R9.849 bilione ka ngwaga wa 2017/18 go ya go R35.321 bilione ka ngwaga wa 2020/21.

Seno se tlhalosa tlhokego ya thulaganyo e e tokafaditsweng e bile e dira sentle mo tsamaisong ya NSFAS. Ka jalo re abelane ka madi a mangwe gape a le kana-ka R105 milione mo pakeng ya Letlhomiso la Ditshenyegelo tsa Pakagare (MTEF) go thusa NSFAS go oketsa le go matlafatsa mothamo wa thulaganyotsamaiso ya yona,” go rialo Tona.

Baithuti ba ba falotseng, mo dingwageng tsotlhe tsa fa ba tla



■ Motlatsa Tona wa Thuto e Kgolwane le Katiso, Buti Manamela mmogo le Tona Naledi Pandor le Modulasetulo wa NSFAS Sizwe Nxasana.

bo ba ithuta, ba ba ikwadisedit-
ng makwalo a bosetšhaba (thuto
ya ditiro tsa diatla) le manane a
thuto mo dikholejeng mo dikho-
lejeng tsa botlhe tsa TVET ba tla
amogela dibasari tsa go duelela
dithuto le didirisiwa tsa go ithuta.

Koketso mo matloleng a
ngwaga wa 2018/19 e tla netefa-
tsa fa baithuti ba le 458 875 ba tla
amogela dibasari.

Baithuti ba dikholeje tsa TVET
ba le 50 480 bao ba fitlhel-
tseng ditlhokego tsa go duelelwa

dipalangwa, go duelelwa madulo
le go duelelwa dijo le bone ba tla
tshegediwa, fa ba bangwe ba le
82 600 ba tla fiwa matlole a go
duelela dipalangwa tsa go ba tlisa
sekolong.

Tona o rile matlole a a tlleng
go rebolwa a mašwa a solofe-
tswa go tshegetsa baithuti ba le
83 200 mo dikgaleng di le
208 000 (40%) tse di leng teng
tse dintšhwa tsa go ikwadisa mo
diyunibesiting ka ngwaga wa
2018. ■

Lefapha la Merero ya Selegae le Iwantsha mela

MO NAKONG e e sa fediseng pelo Aforika Borwa e tllile go itumelela tirelo e e lolameng, e e bonako jo bo sa lekangweng le sepe mo dikantorong tsa Merero ya Selegae.

More Matshediso

Lefapha la Merero ya Selegae le tsenya mo tirisong leanotiro la go netefatsa fa baagi ba sa senyegelwe ke nako mo meleng.

Go ya ka Tona ya Merero ya Selegae Malusi Gigaba mela e meelele e ne e tlholwa ke thologelo e e kwa godimo ya baagi, dikantrobogorogelo tse dinnye, matsapa a boetedipele le go tswalwa ga dikantoro ka bo Lamatlhatso.

Go baakanya mathata a, Lefapha le dirile dipatlisiso labo la tsaya tshwetso ya go bona gore ke dikantoro dife mo mafelong afe tseo go tlhokegang gore go tokafadiwe thebolotirelo mo go tsona.

“Re tla tsenya mo tirisong le-naane la go tlhola kgotsofalo ya baagi, re lolamise le borakanelo jwa tlhaeletsano le go tlhomamisa gore bo dira ka tshwanelo, re bone tharabololo mabapi le baagi ba ba etelang dikantoro ba sa solofelwa le go oketsa sebaka sa dikanto-

robogorogelo, re tlhomamisa le kgonagalo ya go tsenya mo tirisong dithulaganyo tse dintšhwa tsa go theogela, re leba-gane le dithulaganyo tse di bokoa, re goletse le diketelo tse di sa begiwang tsa batsama-isibagolo mo dikantorong, re tokafatse kelelo ya tiro gape re tokafatse tsela ya tlhaeletsano le baagi,” go tlhomamisa Tona.

Maanotiro ano, a tllile go tsengwa mo tirisong e le ditha-rabololo tsa pakakhutshwe le tsa pakatelele.

Tona o tlhalositse fa dikgwel-
tlho tseno di ka se rarabolo-
lwe ka tsela ya go dira o fetisa
fela tiro mme o ikuetse mo
setšhabeng gore se nne le bope-
lotelele fa lefapha le semeletse
go tsenya ditharabololo tseno
mo tirisong.

“Re ikemiseditse tota go dira
bojotlhe jwa rona go khutlisa
mela le fa re ntse re itemogela
matsapa le dikgwetlho tsa
maemo a loago”, go bua Tona
Gigaba.

Pele ga kitsiso ya maanotiro
ano, lefapha le ne la rebola thu-



■ Tona ya Merero ya Selegae Malusi Gigaba a re lefapha la gagwe le tla tsenya mo tirisong leanotiro la go laola mela e meelele.

laganyo ya go tlhatlhuba gore ke
tsela efe e e maleba ya go tsamaisa
le go laola mela le go tokafatsa
ditirelo tsa yona.

Pego e tlhagisitse fa dithulaga-
nyo tse di bokoa, keletiro e e sa
lolamang le mesolatogamaano ya
tlhaeletsano e e sa rulagangwang
sentle e le tsona tse di tlogelang
baagi ba sa kgotsofala le mela e
melele.

Go ya ka Tona, mabaka a a
latelang a okeditse mathata le
go feta:

■ Tsamaiso e e bokoa mo dika-

ntorong tse dingwe.

■ Tiriso ya badiredi ka tsela e e
senang mosola.

■ Tlhokego ya thulaganyo ya
go tsenya kopo pele o ipona-
tsha kwa dikantorong.

■ Tsela e e sa lolamang ya go
laola mela.

■ Go tlatshiwa ga diforomo ga-
bedi mo dipampiring le mo
khomphutheng.

■ Phatlalatsa e e sa lekaneng ya
dikantoro go ya ka mafelo.

■ Tshedimosetso e e fosage-
tseng ka ga go fedisiwa ga di-

bukana tse ditala tsa makwa-
loitshupong.

■ Matshwao a a fosagetseng mo
dikantorong.

Go na fela le dikantoro tsa
merero ya selegae di le 184 fela
tse di dirisang thulaganyo eo e
tlhokang gore baagi ba ye kwa
go tsona go bona ditirelo mmogo
le ditsha tsa go direla di le 411 go
ralala naga.

Ke dikantoro di le 184 fela kwa
go tsengwang dikopo le kwa go
latiwang ga dikarataitshupo le
dipaseporoto.

Lefapha le lokisa le go tokafa-
tsa dikantoro tse di latelelang
baagi gape le netefatsa gore di
tla phatlaladiwa go ralala Afori-
ka Borwa fa ngwaga wa 2018 o
tsena mo pakeng ya bobedi. ■

A ONE OITSE?

Fa e sale ka thebolo
ya dikarataitshupo
ka ngwaga wa 2013,
dikantoro tsa Merero
ya Selegae di setse di
fane ka dikarata di feta
dimilijone di le robongwe.